

續修舒城縣志卷二十八

職官志

名宦

兩漢吏治最爲近古然班范二史循吏僅十數人蓋其慎也舒志自漢宋以後官斯土者循良代不乏人然其他史傳文辭不槩見欲徵信而往往不可考余甚感焉儻所謂疑以傳疑者非耶均之未覩厥政治則傳記藉出於耳聞者近是余因舊志並取官府志次爲篇然後之稱不稱亦可觀已述職官志名宦

漢

劉信高帝伯兄之子封羹頡侯食邑於舒爲民闢地墾土興

續修舒城縣志

卷二十八

職官志

名宦

一

七門烏羊膾牘三堰溉田千餘頃至今賴之民爲立祠歲時奉祭並入祀名宦祠

東漢

羊續字興祖太山平陽人也辟太尉府四遷爲廬江太守後揚州黃巾賊攻舒焚燒城郭續發縣中男子二十以上皆持兵勒陳其小弱者悉使負水灌火會集數萬人並勢力戰大破之郡界平後安風賊戴風等作亂續復擊破之斬首三千餘級生獲渠帥餘黨輩願爲平民使就農業徵爲太常未及行會病卒

後漢書

陶謙字恭祖丹陽人察孝廉拜尚書郎除舒令郡守張磐與謙父友意殊親之而謙恥爲之屈卒以構隙謙清白無以糾

舉祠靈星有贏錢五百欲以贖陷之謙委官去後牧徐州卒張昭等稱其有甘棠遺愛焉入祀名宦

三國志列傳注

魏

劉馥字元穎沛國相人也避亂揚州建安初說袁術將威寄秦翊使率眾與俱詣太祖太祖悅之辟爲司徒掾後孫策所置廬江太守李述攻殺揚州刺史嚴象廬江梅乾雷緒陳蘭等聚眾數萬在江淮間郡縣殘破太祖方有袁紹之難謂馥可任東南之事遂表爲揚州刺史馥既受命單馬造合肥空城建立州治南懷緒等皆安集之貢獻相繼數年中恩化大行百姓樂其政流民越江山而歸者以萬數於是聚諸生立學校廣屯田興治芍陂及茹陂七門吳塘諸埭以溉稻田官

續修舒城縣志

卷二十八

職官志

名宦

二

民有蓄又高爲城壘多積木石編作草苫數千萬枚益貯魚膏數千斛爲戰守備建安十三年卒孫權率十萬眾攻圍合肥城百餘日時天連雨城欲崩於是苦囊覆之夜然脂照城外視賊所作而爲備賊破走揚州士民益追思之以爲雖董安子之守晉陽不能過也及陂塘之利至今爲用子靖黃初中從黃門侍郎遷廬江太守詔曰卿父昔爲彼州今卿復據此郡可謂克負荷者也靖爲政初雖如碎密終於百姓便之有馥遺風後爲大司農衛尉封廣陸亭侯嘉平六年薨諡曰景侯馥入祀名宦並從祀羹頡侯祠

三國志

宋

王臻字及之汝陰人舉進士第歷知舒城剛嚴善決事所至

有風烈妹

王汝舟婺源人神宗時爲舒城令推行荒政全活甚多歷官

夔州提點刑獄著雲漢文集百卷明隆慶志

王洙字原淑應天宋城人甲科補舒城尉洙汎覽傳記至

圖緯方技陰陽五行算數音律詁訓篆隸之學無所不通終

侍讀學士謚曰文忠

元

變理溥化蒙古進士泰定間任舒城縣嚙嚙齊歲旱民饑

富家悉閉糴民欲劫廩幾至亂溥化聞於朝獎激好義之民

出錙糴穀驗口賙給民賴以生修學舍明倫堂以教士縣治

東有龍眠書院基爲僧所併乃復之元學士虞集揭傒斯爲

續修舒城縣志

卷二十八

職官志

名宦

三

之記從祀名宦祠康熙志

明

鄒原方山東滕縣人洪武甲辰知舒城縣事始開縣治招徠

流亡撫卹凋敝民賴以安從祀名宦祠明隆慶志

貪蟻陝西鳳翔人前中書省掾洪武丁未知舒城縣事夙夜

精勤究心民瘼扶衰起僊政通民和從祀名宦祠明隆慶志

芒文縝江西府志作河西臨川舉人洪武中爲舒城教諭以文行

鳴世蜀王在中都遣使延之論文贈以詩云河西有一士瞻

言舒城老豪士既相鄰志學復同道設醴待英賢所願開懷

抱此生得重會聚首談舊好嗟子駐淮南聞名苦不早入祀

名宦祠明崇禎志

朱學淵江西新淦縣舉人建文時知縣事臨政勤敏出以公

廉稱舒之賢令焉從祀名宦祠明崇禎志

程善江西監生永樂初知縣事爲政得民心以父憂當去民

上其狀得復任未幾以事去民又請後丁母憂民復請三去

民三請復愛戴如初遂卒於官其子孫居舒至今稱世族焉

明崇禎志

顧琛浙江於潛舉人永樂初爲舒城教諭學行可法尤工於

詩纂修邑志入祀名宦祠明崇禎志

劉顯江西豐城人登乙科宣德年知縣事課農桑興學校增

開水利高下合宜剛廉得民隱聽訟講學士民環聽實惠在

民邑人頌之與漢劉馥俱從祀義頡侯祠祠曰三劉並入祀

續修舒城縣志

卷二十八

職官志

名宦

四

名宦明崇禎志

袁廣泰和人正統初由進士知縣事爲政慈祥簡易民愛戴

之邑乘之修始於廣舊志

黃貴湖廣石首舉人正統初爲舒城教諭學行可法取予不

苟一時人士奉爲典型入祀名宦祠明崇禎志

程文河南確山人登進士成化十八年知舒城縣事練達吏

治鋤抑強梗興學校修水利歲災爲民懇免歲辦繇賦尋擢

御史士民立碑以誌思邑人秦司徒爲之記明隆慶志

周璇東安人宏治初爲舒城教諭慎重簡默師範端肅周急

啟蒙悉出已資邑人思之入祀名宦祠明崇禎志

賈琦山東濟甯舉人正德末教諭舒城學勵行飭躬學亦優

裕士林推重陞國子監助教遷安慶府判舊志

劉欽順石首人登進士嘉靖初知舒城縣事公廉勤敏振興

文學政暇輒詣鄉社訓誨生徒時大饑設粥以賑民多存活

以賢能調華亭縣民赴京奏留不獲立碑以志恩歷官參政

邑人鄭如岡爲之記明隆慶志

魏寶廣西桂林舉人嘉靖初任賦性明敏政先愷悌役均訟

平邑內翕然稱治更捐俸延師多所造就士民德之陞淮安

通判去之曰老幼遯泣舊志

何偁宜春人嘉靖進士知縣事才敏政嚴執法不阿徵糧投

櫃宿弊頓釐建倉儲穀凶荒有備興學重士鋤暴綏良重修

邑乘公署多所建置擢兵部武庫司主事尋改監察御史民

續修舒城縣志

卷二十八

職官志

名宦

五

爲立去思碑尙寶司卿歐陽德爲之記舊志

尤時雍河南洛陽舉人嘉靖中任溫厚慈愛賑荒除盜民賴

安堵秩滿以母憂去舊志

郭懋湖廣江夏舉人嘉靖中知縣事縣治舊本土城宏治中

知縣安郁改築屢圯於水至是始建磚城繼至者藉手訖工

捍衛之功永垂不朽卒祀名宦祠明崇禎志

范彥第洛陽人文正公後裔嘉靖中由例貢官縣學教諭性

溫厚行誼修潔克稱師模士心欽服陞萬州學正舊志

夏子雲四川涪州舉人嘉靖末任慈惠及民以憂去後陞岳

州通判舊志

王家卿南陽人隆慶進士令舒城矢公愛民敦行鄉約逾歲

卒於任士民愛戴助喪以歸立祠桃鎮肖像祀之邑人柏正

爲之記舊志

徐成位景陵人隆慶進士少年英敏剖決如流多所平反獄

無留滯暇則繙閱書籍如書生又以邑之田賦輕重相懸力

爲申請獲均舊志

嚴俸奉化人貢士隆慶初爲縣學教諭學博行方居常不假

人以辭色更注意學宮祀典士之貧不能贍者輒捐俸周給

之士多去後之思舊志

姚時鄰延津舉人隆慶末任蒞政勤敏啟文會以課士省里

役以裕民以憂去民立祠志思邑人柏正爲之記萬曆中服

闕再任修復水利民賴之戶部侍郎盛謙爲之記陞德州審

續修舒城縣志

卷二十八

職官志

名宦

六

理舊志

王楨江西南昌人進士萬曆初由尙寶司卿謫任器量淵洪

政崇大體勤恤民隱雅重士類修治尊經閣雲路街去後士

民立祠於饗宮以志思舊志

陳魁士福建漳浦舉人萬曆初任定條鞭法清水利摘奸宄

捐俸建龍津橋民無病涉興利除害於學校尤有功焉明崇禎志

朱長春字大復浙江烏程人萬曆己丑會魁擅文名日夕與

士子講藝手批口授寒暑不停適有河夫大馬諸檄處分已

定而民不知巨奸積猾爲之落膽邑頌神明以憂去補信陽

任滿擢部郎後以斤奸掛冠歸里晚年辟穀導引稱人中仙

云明崇禎志

林材福建閩縣人進士萬厯中知縣事公明廉峻令行禁止倉儲遍建荒政聿修十七年大旱以所積羨餘抵完馬價六千免民額徵舒人至今傳頌祠祀三里街明崇禎志

朱邦喜江西臨川人萬厯中由貢生官舒城縣學訓導講學論文不計脯贄獎貞磨鈍後中應天戊子鄉試陞嘉興府同知明崇禎志

傅敏功廣東番禺舉人前任宣化縣萬厯中令改補舒城教諭忠厚正直署縣篆愛士惠民人爭感戴立碑誦之陞榮縣令別諸生詩云首藉花深客思長除書西去近吾鄉山中別宴惟雞黍湖上輕航載雪霜歸夢乍疑過庾嶺離心還似繫舒陽臨風莫弄桓伊笛煙月行人易斷腸清志

許學宗福建晉江舉人萬厯末任才擅風雅德教洋溢其墨跡題詠存坊表間者迄今稱頌不衰陞戶部主事清志任一鳴奉化人天啟初由進士任舒尊賢敬道愛士勤民以病歸里舒民思之清志

王觀光字子聞福建晉江人天啟中以進士令舒縣富民多飛灑脫役資者益困觀光總計米額設法派貼貧富始均有屠謀殺其伴投屍與刀潭中仍自控訴亟馳視之有蛙跳蓮葉鳴不已使沒水驗之得屍屠刀在焉遂抵罪一男子僞爲婦人裝出入富貴家事發不訊立斃之遷刑部主事有富商奴吳榮擁資數十萬投魏璫反噬其主璫敗繫獄榮布賄求脫觀光立擬斬輿論稱快舒人祠祀城隍廟內福建通志

章可試遂安舉人崇禎初任舒時人習承平流寇突至四境驚恐公折衝禦侮塞城三門開西門誘賊入死於陷坑者甚多寇遂奔潰旋以憂去舒民自此殘於劇寇矣清志

孫四美江蘇上海舉人崇禎末爲舒城教諭豈弟作人士林戴之時流氛逼舒率諸生協力備禦邑紳胡守恆薦於朝陞深州知州以守城死事聞卹贈京秩中憲大夫太僕寺卿入祀名宦祠康熙志

國朝

王宗聖遼東人順治中任舒時年方二十餘詳慎如老吏有清操政尚寬平和而能介邑經兵燹之後能安輯流亡威德互用清志

張可捷山西大同舉人順治末知縣事爲人恻怛無華不銜名不騁才安靜寬和始終如一蔬食布袍順民好惡一時稱循吏焉清志

蔡其珍四川營山人順治丁酉解元康熙初令舒廉明惠愛不剛不柔奸吏舞文者必痛懲無敢欺飾民甚賴之康熙志

何朝聘奉天三韓人廩生康熙初知縣事明敏有才畧每蒞事吏不敢仰視正賦不缺於供而民無催科之擾招民墾田給以牛種治舒七載獄訟寢息囹圄空虛葺城垣新黌序以艱去士民泣送百餘里立祠祀之江南通志

張文炳江西臨川舉人康熙初知縣事寬和廉潔教育士子接見必以禮勤於撫字閭閻無催科之擾王子南闡校士多

得名宿文章吏治稱兼善焉附志

周國柱字石卿奉天三韓人康熙初由官生任舒廉能克己徵求不擾履畝清糧除奸剔弊邑人愛戴之附志

董守義奉天遼東人康熙中知縣事時年未四十勤敏有幹濟才值逆藩之亂舒爲衝邑大兵往來驛路車馬芻糗一切軍需應時而辦兵無留滯民得免騷丁內艱去舒人戀之如赤子之於慈母云江南通志

張傑陝西三原舉人康熙中爲舒令廉明仁恕鞠獄公平人莫敢欺寓撫字於催科邑無逋賦課士愛民口碑載道前任

張文炳增修邑乘未成傑虛中採訪遂克成書附志

朱振字千仞浙江嘉興人康熙己未進士選舒令時值兌運

漕糧紅白分儲百姓羣聚揀米男婦老幼忙亂拮据不勝煩擾振悉其弊懇請漕院咨部極言土產花雜使產之於地者紅白原兩處而攪和以納官此頑民也杖之可也使徵之於民者紅白原兩收而攪和以兌軍此猾吏也殺之可也卽不然而紅白有兩用如白米予俸而糙米給軍粳米煮飯而糯米造酒斷斷不可混雜則雖甚煩瑣艱難亦自不便爲官民寬假今此紅白之米曾有異用否乎無異用而必責令分貯其爲民累是亦不可以已乎今時迫征兌若呆守分貯之令則悞漕斷所不免卑職細思悞漕例當革職而米色花雜不過降罰古人云擇禍莫若輕卑職謹便宜從事不論米色止取潔淨令民赴兌更上總漕董侍郎及總督傅侍郎書謂士

子讀書出仕無論官之大小總期上不負國下不負民如茲

漕糧一事卑職征收花雜固參罰自甘如題請不允某卽倖免降調亦掉臂去耳遂如請江北至今賴之戊辰夏杪楚氛

告驚當事檄鎮兵往戍英霍郡下羽書令捉船裝載振計省城至英路不由舒爲寢其事尉與書役羣訝曰此係軍需是

何等緊要事今羽檄概束之高閣其坐誤不再計決矣振笑應之曰本縣前程與爾輩身家孰重我縱不爲爾輩計詎不

爲身計耶倘有悞當獨坐決不與爾輩相干也因取所送封皮牌票一切塗之舒民稱快縣舊有七門烏羊等堰故道久

塞振相度形勢重開溝洫俾山水盈科而進溉數千頃而舒之東南鄉遂爲腴田上臺有清絕一塵才堪肆應之獎以勸

致疾卒於任崇祀名宦附志

王朝瑞字徵侯山東長山人康熙中由貢生爲舒令甫下車

卽捐修明倫堂設崇文書院立義學實心督課絃誦不輟七

門堰故道淤塞極力開濬民咸利之鼓樓圯復爲修建衙舍

湫隘更爲改創彰善癉惡四境肅清舉修廢墜不勞民力舒

人祠祀桃鎮香社寺旁卓異遷平遠州又補六安州卒於官

附志
周振舉字北岡河南祥符人康熙甲戌進士素有文名初任

盱眙調任舒城縣課士以文教民以儉決獄明允濬舊河興

水利時有水災舉親著水靴督吏役作役救民全活無數被

議解任後卒於官附志

李光埏字鈔海廣西興安人康熙丁卯舉人治舒以慈惠著聲催科不擾待士以禮歲旱潔齋親爲步壇祈禱甘霖立霽居常布衣蔬食不喜儀從舒人愛戴之府志

蔣鶴鳴浙江秀水人康熙癸酉舉人庚子任舒邑舊有河環城溉田數萬畝明末水道湮田多旱患前令屢經疏濬復故道鶴鳴下車卽講求濬治因舒西北鄉被旱籲請蠲免正供先自捐俸復於東南鄉勸輸財粟募夫開河災黎得食遂免流離是歲荒歉令貧民受值執役不三月開久涸之河七十餘里民不告勞工亦速竣而城河亦還其舊高安相國爲之記修學宮兩廡備祭器一倣闕里儀制總河陳鵬年記之廣設義學實行督課勸民種桑育蠶民賴其利驅蝗賑米皆

得其方以廉能調任江都卒於官舒民至今思之浙江通志

徐鳳喈字岐離江蘇金壇人康熙己酉舉人詩倣王孟任舒城教諭正直忠恕士賴成就者甚夥以憂去官舒人留之講學三河嚴條約聞性命之旨一時俊乂皆遊其門服闕補任太湖卒於官府志

徐文燾府志字魯山興化人孝友睦婣閭里推重康熙中

以明經爲舒城訓導氣度藹藹如春課士以實學敦品爲最條約一倣蘇湖暇則日手一編自娛昔盤餐儉宴如也以前甲午入泮膺歲薦至康熙甲午致仕年八十府志

金標字幟公江浦人康熙壬子拔貢學養兼優重禮法有古君子風授舒城教諭嚴立規條訂期課士講解經義雅重孝

友根柢之學不徒事文辭年八十餘以老病去官卒於家舒士至今思其教府志

童玖字石樵上海人康熙季年以明經授舒城訓導爲人嚴重廉潔課士勤恕暇則飲酒賦詩以爲常年八十餘致仕臨行祇攜來時兩倣龍圖書數卷而已府志

徐千之字用勉號毅齋潛山人拔貢生康熙末授舒城教諭才識超邁爲江左名儒縣學宮傾圯湫隘千之蒞任卽倡修櫺星泮橋儀門大成殿及圍牆甬道一椽片石種柏栽槐皆其手澤乙未秋早奉委督賑弊絕風清多所全活每月十六嚴條約課士割俸以供飲食評隲甲乙不爽毫髮士賴成就者甚多著有靜遠堂時藝贈炙人口年七十六以教諭任滿

陞國子監學正府志

萬人長睢寧人康熙末以明經授舒城訓導爲人骨鯁面如凍梨年九十三不杖不扶步履拜跪如壯時諸生課藝手自批點不倦暇時猶潑墨畫米家山水得其片幅者無不珍藏致仕年九十六府志

陳守仁字近山雲南石屏人康熙己丑進士雍正六年蒞舒倣古木鐸循路法親歷四鄉宣講

聖諭又力行保甲法以弭賊盜開墾墾故道以興水利修周瑜橋以便往來積社倉穀以便農民縣志自康熙三十九年後未修守仁網羅散失重葺之公餘則課士於城東雙松菴割清俸以資飲食親臨講論盡日不倦任舒七載愛民禮士舒人

至今稱頌不衰舊志

余汝霖字夢雨號瀾漁池州銅陵人雍正初以明經授舒城訓導厚德謙光有儒者風在官以講學興賢爲己任設條教課士評隲不苟士貧乏不能赴試者時割清俸以助之四方之士以文章道義來謁者輒下榻相款購米餌製酒漿把盞談經常漏夜不倦凡修邑乘新學宮葺試院皆其善政也年八十三卒於官返櫬時舒人士醢酒執紼延數十餘里其盛德之感人如此府志

郭起元字復齋福建閩縣人乾隆五年以賢良方正權舒令下車釋冤獄數十人慈愛庶民宏獎士類捐俸修葺學宮改建鼓樓甫三月卽卸事猶留舒半載俟工訖而後去舒人士

續修舒城縣志

卷二十八

職官志

名宦

十三

愛戴刻龍舒頌言集以紀之舊志

何向宸江西東鄉人乾隆辛未進士乙亥任舒明年春邑大饑鄉民相聚侵掠向宸親巡鄉野懲渠魁勸諭餘黨豪民解散四境獲安爲政務除奸宄以安良善解任後立有去思碑四十六年上憲命仆諸令德政碑以杜諛諛之風仆碑至何令鄉民多爲之流涕者舊志

汪宜耀上海人歲貢生乾隆二十六年任舒城訓導勤於講論爲文尙理法邑令徐境山雅重之年七十餘以任滿致仕歸舊志

徐紹鑑字治通號境山浙江錢塘人乾隆辛未進士二十六年蒞舒以作興人才爲先務所賞徐百楷李秀任嗣淹祝椿

齡輩十餘人皆一時之選親爲督課教誨如師生又於桃鎮曉天諸鄉塾皆代延名師時親臨以教導之在任五年修城垣興學校明倫堂基隘廊而新之方詳請復開縣河以利民工未興而遭病卒於官舒人士到今思之其手澤留於舒者皆若至寶云府志

劉作垣字星五號帖瞻甘肅武威人乾隆辛巳進士庚寅任舒蒞事勤而敏仁而威喜造士諸生有會文者以米肉餽遺之辛卯分校南闈歸見邑中科第寥寥創建龍山舒院首捐廉三百金爲之倡復勸輸得七千餘兩置田租建講堂嚴立規條勒碑刊書院志以善其後陞泗州知州書院諸生祀之講院中通志

續修舒城縣志

卷二十八

職官志

名宦

十四

海柱滿州正藍旗人乾隆四十二年由工部筆帖式任舒舒當孔道差役紛煩民甚苦之柱正直不阿上憲差至若行所無事決獄明允四民欽服遇命案絕無株連蒞任三載崇尙寬大不爲煩擾史稱謝安石爲守牧時所至無赫赫之名去後常見思海令有焉府志

姜兆翀號儒山華亭人乾隆庚寅舉人乙巳由景山宮教習任舒城教諭蒞任勤課督評隲不稍假借癸丑年以

文廟頽壤與邑紳謀改造親歷四方勸捐得三千餘金乃鳩工庀材修大成殿改建兩廡正櫺星門向復捐俸百餘金整理泮池經營三載倍極勞瘁功垂成以親老告終養歸將行以學宮功未竣留詩勸勉復刻修學紀畧舒人於其去皆捧酒賦

詩爲餞送後有賈客至華亭音問常往來不絕焉舊志

周濂河南新鄉舉人乾隆五十六年由英山調繁任舒舒城垣頽壞濂蒞事兩月士民歡頌遂定章程勸捐修築民皆樂輸恐後乃糾眾興工期年竣事在任三載政尚明察案無留獄苞苴不行及卸事留龍山書院掌教兩年鄉民以雞豚粟米饋者無虛日舊志

盧澤號芷泉山陽縣舉人文名噪一時嘉慶二十三年官舒城教諭喜獎掖後進邑人鮑麟昭胡萬年孔廣義靳傲皆出其門後擢徽州教授時訓導駱騰鳳號春池山陽舉人亦以能文名教士有法舒人至今稱盧駱府志

羅河嶽字爲章福建上杭人嘉慶辛酉拔貢歷任教職以功

陸知縣事縣地衝往來差役苦民河嶽下車卽籌給官價上請定案勒石永除民累在任數年專以育人材培風俗爲本巡撫姚公行縣至獨嘉賞擬以循吏入告旋丁內艱去囊橐蕭然舒民醵金爲贖河嶽婉卻之採訪

劉丙字石久山西渾源州人副貢道光二十年知縣事明年山水暴漲橫流漫城市道路絕鋪戶以囤積居奇民無從得米甚窘丙購麵爲餽飭按貧戶給之已又察鋪戶有米者令出糶增其價不糶予重罰米乃出民得不死海疆警大兵道舒當供億一切軍需丙曰司牧以撫民也吾安忍病民乃走貸同鄉之賈於舒者具供帳厨傳徭役皆以身任民無毫髮擾居官廉明勤幹簡車從清訟獄爲政一以愛民爲本採訪

余國卿字方屏四川遂寧舉人道光二十八年署縣事仁明強幹初下車有告訐者面詰之數語卽折服胥吏不敢受一錢決獄平允蒞舒之明年縣大水前此屢以水災盜賊竄起愚民迫饑餓往往負鋤耨隨之行劫至是復然國卿立率民壯乘船往擒其豪獍數十人置之法匪黨盡散民以得安復勸捐賑給全活甚眾水既退近水墳墓摧壞又勸募邑人檢察之陰然成隴將去任舒人欲立遺愛碑固不可廬江吳徵士廷香爲文與詩述其政至今父老言好官者猶稱余青天府志

金上珍字璞山徽州休寧人道光壬午舉人丁未任舒城訓導次年舒邑大水上珍與邑令余方屏割俸救荒並勸富紳

量力捐輸活民無算咸豐癸丑冬粵逆陷舒合邑糜爛珍與邑人倡率民團轉戰城下爲復城計卒以孤注赴敵兵敗被執賊遣降守胡元煒勸之降不少屈臨刑復以識時務婉勸之珍奮然作色曰生寄也死歸也謀之不臧有死而已賊斷其首庠生蕭大年夜探賊睡熟負其首歸同時殉難者有鍾繼昌喬照瑗等十九人寇平邑人卜葬城東九女墩之陽公捐墓田四石建墓廬三間春秋學官率士子祭掃入祀昭忠祠採訪

婁業士字席珍咸豐三年正月省垣陷民無賴者相聚攻劫合境騷然業士率兵與遊擊海某至舒捕定之四年署縣事統開化勇會合肥知縣張培攻三河踞賊援眾數萬業士

擊於新河是時所統兵合張靖所將不過數百人去大軍遠倉猝無援三河市民執戈從其後賊望見之噪而進業士揮眾前鏖戰甚苦而市人駭走兵遂潰張靖死焉業士走免卒從何文忠桂珍殉節英山府志

周士達湖南人咸豐元年官本縣典史三年粵賊陷舒士達與訓導金上珍倡合民團爲復城計四年五月戰城下不克上珍等被執死之士達隨練駐桃鎮當舒廬之衝五年官軍攻廬州急安慶援賊大至士達集練禦之轉戰至北關外八十里埠力竭陣亡舒人葬之五顯廟民團戴澤上等死者百餘人採訪冊

陳元泰世襲雲騎尉咸豐十一年以府經歷權舒帶勇擊賊

吳家畝九井等處又會同楚軍剿賊中梅河並克復縣城生擒賊目積功保知縣修城垣設米倉善後事宜次第具舉通志延齡號錫九滿州鑲黃旗人世襲雲騎尉道光庚子舉人同治二年任舒兵燹後加意撫卹每催科必量地之遠近給差役路費禁需索去後人猶思之府志

周巖字伯度浙江山陰人順天癸卯副貢同治十二年選舒城令故事州縣錢糧訟獄丁役抱文書呈幕賓裁決官受成而已吏緣爲姦巖稔其弊事無大小悉親裁之革去門役諸名色廳事設雲板一吏胥百姓見一再擊急衣冠出判事折獄聽察如神莫敢欺者暇則召諸生書院而課之教以讀書作文之法捐俸置田四十畝給貧生膏火在任九年吏畏其

威民懷其德以養歸去之日經桃鎮舟行百姓焚香阡陌涕泣送者沿境三十里不絕巖亦泣下以爲愧負吾民云採訪冊廖燠江西石城人光緒丙子進士癸未補舒令性樸約崇經術爲政務抑豪猾以伸良懦兵弁某素不法燠首治之境內肅然在任三月監司劉文瀾過境燠供張不備劉嫌之譏於大府鐫秩去舒民冤之爲立化行三月碑採訪冊楊燁湖北竹谿人同治甲戌進士工部主事改選知縣光緒十七年令舒清簡樸儉爲政持大體惡苛碎擾民慈百姓如子豪猾爲民害者痛繩之獎掖諸生之嚮學者歿於官囊橐蕭然邑人購金歸其櫬同光中舒城循吏燁勤幹不逮周令巖而清心遠量巖亦微不及也積勞遽殞未竟其志舒人至

今痛惜之採訪冊